

稱言之，確爲漢人之遺迹。時代雖不能確定，但必與河渠有關聯。復由舊城向北轉沿黑太也拉克東北行，約十里，抵一土墩，其旁廢木料甚多，並有斧鑿痕迹，必爲古時建築材料，旁散布鐵塊及烽渣甚多，則此地必爲古時烽燧亭遺址，守護渠道者也。渠旁紅泥灘上，間露紅陶片，是當時渠旁必有衆多居民經營農耕。仍沿渠北行，約五里許，抵于什格提。即三道城之義，實無城，蓋爲三組房屋遺址相連耳。面積周圍約三百米，地面散布紅燒磚及泥殘件甚多，或爲當時房屋建築材料。觀察完後，仍沿舊渠西南行。又在渠旁發現古房址二處，皆爲土坯所砌。據說此處曾發現磨盤石一方，後亦遺失。據此，是此地爲古代墾殖區域。由於房屋爲土坯所砌，時代疑稍晚，可能相當於唐。二十三日仍繼續考查，沿昨日舊道，渡河東北行，抵一古地，名愛定克爾；在此地附近有一盆形地，類似池塘，疑爲當時蓄水池。寸草不生，土白色，故稱爲愛定克爾，愛定即「白色」之義。此一帶有土堆數處。余初掘一土堆，發現房屋牆壁。牆爲土築，中夾用木柵，內外以紅泥塗之。又有木柵，尙直立於牆中，以縱橫木料排比，以繩束之，宛然若新。上蓋草搭，類似現新疆居宅所用之屋頂。並有木料遺棄於地面。掘深至一米許，均爲浮沙，不見遺物。僅拾得一半面五銖錢，則此地似爲漢代遺址。又有一地，發現紅燒磚甚多，本地人曾運至巴雜出售。此遺址皆附於古渠之旁，北距古渠不過十餘丈，顯爲渠旁居民住宅，與于什格提之舊房址相距約五里許，但此地時代較于什格提爲早，可能是早期居民墾殖區域。二十四日，繼續掘壩旁土堆，又現出房屋牆壁。掘深約一米許，現出一毛爐，爐前有二小土台，爐中灰燼尚存，爐形與本地之毛爐極似。現本地居民每一住宅，房內均爲土坑，在牆壁之北或西，必有一毛爐，由牆中透出屋頂，冬日燃木柴其中，室內均暖，是現在之毛爐，溯源於古昔。又出現房頂亦與現在房頂近似，係胡桐、木柴縱橫作架，再鋪草塗泥。然以出現陶片證之，決非近代之物。然究係何時之遺址，現雖不能有確定之答語，但出現五銖錢，似爲漢代所遺。又其牆壁建築形式，以木材爲牆，在于闐喀拉墩遺址中，其情形亦如此，而皆爲紀元後第一世紀之遺址也。余在羅布淖爾土墳所發現之房頂，亦用草搭，同時出現漢簡，確爲漢代遺址。則此處遺址可能亦爲紀元前後故物。但此遺址附於古渠旁，在渠旁遺址，據余所已探查者，除阿克沁城作方形爲土磚所砌，時代可能稍晚外，若滿瑪克沁、黑太沁、窮沁、克子爾沁、羊達克沁城之形式，均作圓形，牆亦爲土築。以許多遺址證之，凡此類建築均較早，可能是漢代遺址。因此，則乾渠亦當爲漢代渠，此一帶可能爲漢代屯田所在。但于什格提亦在渠旁而建築爲土坯，以他處唐代建築證之，則此地可能爲唐代遺址。阿克沁古城亦爲土坯所築，因此，此一帶當原爲漢代屯田區，至唐代仍在此地墾殖，而渠旁之城堡及住宅，疑皆屯卒所居。他處再無此類似之遺迹也。根據以上所述，綜合渭干河兩岸之古址，則知渭干河流域，自漢、唐兩代均據此爲政治及經濟中心區。土地肥沃，人戶殷盛。現雖河渠乾涸，沙漠彌漫，但仍保持有豐富之潛在力，將來地力之開發仍未可量也。